

- Općinsko vijeće Stari Grad Sarajevo, kao provedbeni akt u okviru isključivih prava i dužnosti Općine.
3. S obzirom da je odredbom Odluke, navedenom u tački 1. ovoga tumačenja, utvrđeno da se poslovne prostorije dodjeljuju "klubovima vijećnika koji učestvuju u radu Općinskog vijeća", nastavak teksta se, također odnosi na stranke koje su parlamentarne i učestvuju u radu Općinskog vijeća, te se ne može odnositi na stranke koje su parlamentarne na višim nivoima vlasti.
  4. Autentično tumačenje predstavlja integralni dio teksta Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo i objavit će se u "Službenim novinama Kantona Sarajevo".

Broj 02-49-330/17  
Maja 2017. godine  
Sarajevo

Predsjedavajući  
Općinskog vijeća  
Stari Grad Sarajevo  
Mr. sc. **Jusuf Pušina**, s. r.

Na osnovu člana 44. i 57a. Zakona o pravobranilaštvu ("Službene novine Kantona Sarajevo", broj 33/08 - Prečišćeni tekst, 7/12 i 44/16) i člana 25. Statuta Općine Stari Grad Sarajevo ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 30.05.2017. godine, donijelo je

## ODLUKU

### O PRAVOBRANILAŠTVU OPĆINE STARI GRAD SARAJEVO

#### I - OPĆE ODREDBE

##### Član 1.

Ovom Odlukom utvrđuje se nadležnost i način rada Pravobranilaštva Općine Stari Grad Sarajevo (u daljem tekstu: Pravobranilaštvo), propisuje postupak za imenovanje, smjenjivanje i prestanak rada pravobranioca, zamjenika pravobranioca i uređuju druga pitanja u vezi sa radom Pravobranilaštva.

##### Član 2.

Pravobranilaštvo vrši poslove pravne zaštite imovine i imovinskih interesa Općine Stari Grad Sarajevo (u daljem tekstu: Općina), općinskih organa uprave i drugih institucija čiji je osnivač Općina.

Pravobranilaštvo vrši i druge poslove određene zakonom.

##### Član 3.

Općinske službe za upravu, posebne stručne službe / sektori (u daljem tekstu: općinske službe) i njihovi uposlenici dužni su da pravobraniocu neodložno dostave spise i obavještenja, odnosno pruže podatke i objašnjenja koja Pravobranilaštvo zatraži.

Ako zbog nepostupanja, odnosno neblagovremenog postupanja općinskih službi iz stava 1. ovog člana nastupi šteta za Općinu ili druge subjekte koje zastupa, Pravobranilaštvo o tome obavještava Općinskog načelnika i podnosi mu zahtjev za pokretanje disciplinskog postupka radi utvrđivanja disciplinske odgovornosti lica koje je bilo dužno postupiti po zahtjevu Pravobranilaštva.

Općinski načelnik obavezan je pokrenuti postupak iz stava 2. ovog člana i o postupanju po zahtjevu Pravobranilaštva za pokretanje postupka utvrđivanja odgovornosti kao i ishodu pokrenutog postupka obavijestiti Pravobranilaštvo, koje je dužno protiv lica za koje je utvrđena disciplinska odgovornost podnijeti zahtjev za naknadu počinjene štete.

##### Član 4.

Pravobraniocu i zamjeniku pravobranioca izdaje se službena legitimacija.

Službenu legitimaciju izdaje Općinski načelnik u skladu sa propisima Ministarstva pravde i uprave Kantona Sarajevo.

##### Član 5.

Pravobranilaštvo ima pečat u skladu sa Zakonom o pečatu Kantona Sarajevo ("Službene novine Kantona Sarajevo", broj 3/09 - Prečišćeni tekst i 36/12).

Sjedište Pravobranilaštva je u Sarajevu, ulica Zelenih beretki broj 4.

## II - NADLEŽNOST I ORGANIZACIJA PRAVOBRANILAŠTVA

### 1. Nadležnost Pravobranilaštva

##### Član 6.

U vršenju poslova zastupanja Pravobranilaštvo je ovlašteno dapreduzima sve radnje koje preduzima stranka u postupku.

Ako Pravobranilaštvo smatra da treba pokrenuti određeni postupak ili da treba povući tužbu ili da ne treba izjaviti određeni pravni lijek, obavještava o tome općinsku službu od koje je dobilo podatke.

Ako se postigne saglasnost u mišljenju ili ako općinska služba ne odgovori u određenom roku, konačnu odluku donijet će Pravobranilaštvo, uz prethodne konsultacije sa Općinskim načelnikom, i o tome obavještava općinsku službu iz stava 2. ovog člana.

##### Član 7.

U postupku donošenja općih akata kojima se uređuju imovinsko-pravni odnosi, prava i obaveze prema stvarima u vlasništvu Općine, obavezno se pribavlja mišljenje Pravobranilaštva.

Prije zaključivanja ugovora o kupoprodaji, zamjeni, zakupu, prenosu prava privremenog ili trajnog korištenja, ugovora o građenju i udruživanju sredstava za građenje, kao i drugih ugovora kojima se pribavljaju stvari ili raspolaze stvarima, odnosno pravima, obavezno je pribaviti mišljenje Pravobranilaštva.

Prije zaključivanja ugovora imovinsko-pravne prirode iz stava 2. ovog člana općinske službe su dužne pribaviti i saglasnost Općinskog vijeća, u skladu sa Ustavom Kantona i zakonom, a ukoliko na te ugovore nije pribavljeno mišljenje Pravobranilaštva, Općinsko vijeće neće ih ni razmatrati.

Kada je predmet ugovora iz stava 2. ovog člana, pokretna stvar ili pravo čija vrijednost ne prelazi 10.000,00 KM nije obavezno pribavljanje mišljenja Pravobranilaštva, niti saglasnost Općinskog vijeća.

O ugovorima zaključenim bez prethodno pribavljenog mišljenja Pravobranilaštva iz stava 2. ovog člana, Pravobranilaštvo obavještava Općinskog načelnika i podnosi zahtjev za pokretanje disciplinskog postupka radi utvrđivanja odgovornosti lica koje je bilo dužno pribaviti mišljenje Pravobranilaštva.

Općinski načelnik obavezan je pokrenuti postupak iz stava 5. ovog člana i o postupanju po zahtjevu Pravobranilaštva za pokretanje postupka iz prethodnog stava, obavijestiti Pravobranilaštvo.

##### Član 8.

Pravobranilaštvo daje Općinskom vijeću i općinskim službama, na njihov zahtjev, pravno mišljenje o imovinsko - pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko - pravnim odnosima sa tim licima.

##### Član 9.

Tražena mišljenja iz člana 7. stav 1. i 2. ove Odluke, Pravobranilaštvo je dužno dostaviti u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

##### Član 10.

Zaključeni ugovori imovinsko - pravne prirode obavezno se dostavljaju Pravobranilaštvu u roku od 15 dana od dana zaključivanja.

Ako Pravobranilaštvo ocijeni da je zaključen ugovor ništav, podnijet će nadležnom sudu tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti podnijet će tužbu za poništenje ugovora ili izmjenu ugovora.

## 2. Organizacija Pravobranilaštva

### Član 11.

Funkciju Pravobranilaštva vrši Pravobranilac Općine (u daljem tekstu: pravobranilac).

Pravobranilac predstavlja Pravobranilaštvo, rukovodi njegovim radom, obavlja poslove utvrđene Zakonom o pravobranilaštvu, Pravilnikom o unutrašnjoj organizaciji Pravobranilaštva Općine Stari Grad Sarajevo i poslove utvrđene aktima Općine.

Broj zamjenika pravobranioca utvrđuje se Pravilnikom o unutrašnjoj organizaciji Pravobranilaštva uz prethodne konsultacije sa Općinskim načelnikom.

### Član 12.

Zamjenik pravobranioca vrši poslove iz djelokruga rada Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca.

Kada je pravobranilac spriječen ili odsutan s posla zamjenjuje ga zamjenik kojeg on odredi.

### Član 13.

Pravobranioca i zamjenika pravobranioca imenuje, smjenjuje i razrješava Općinsko vijeće na prijedlog Općinskog načelnika.

Općinsko vijeće odlučuje i o udaljenju od vršenja službe, o izuzeću i o ostavci pravobranioca i njegovog zamjenika.

### Član 14.

Za pravobranioca i njegovog zamjenika može biti imenovan državljanin Bosne i Hercegovine i Federacije Bosne i Hercegovine koji je diplomirani pravnik ili Bakalaureat/ Bachelor prava sa ostvarenih 240 ECTS studijskih bodova Bolonjskog sistema studiranja i ima položen pravosudni ispit i iskustvo u radu na imovinsko - pravnim poslovima u Pravobranilaštvu, pravosudnim organima ili pravnim poslovima u drugim državnim organima, pred uzećima i drugim pravnim licima, u trajanju od najmanje tri (3) godine nakon položenog pravosudnog ispita i koji posjeduje najviše moralne osobine za obavljanje službe Pravobranilaštva.

### Član 15.

Pravobranilac se imenuje na period od četiri (4) godine i može biti ponovno imenovan.

Zamjenik pravobranioca imenuje se bez ograničenja mandata.

### Član 16.

Prije stupanja na dužnost pravobranilac i zamjenik pravobranioca daju svečanu izjavu pred predsjedavajućim Općinskog vijeća.

Tekst svečane izjave glasi: "Izjavljujem da ću se u vršenju službe pravobranioca - zamjenika pravobranioca, pridržavati Ustava, zakona Bosne i Hercegovine i propisa Općine Stari Grad Sarajevo te da ću službu vršiti savjesno".

### Član 17.

Pravobraniocu, koji ne bude ponovno imenovan, prestaje funkcija pravobranioca, ali mu ne prestaje radni odnos.

Pravobranilac, koji ne bude ponovno imenovan, raspoređuje se na mjesto zamjenika pravobranioca, ukoliko je to mjesto upražnjeno, a ako nije, raspoređuje se na mjesto državnog službenika u Pravobranilaštvu ili nekoj drugoj općinskoj službi u skladu sa svojim stručnim kvalifikacijama.

Rješenje o raspoređivanju pravobranioca na mjesto zamjenika pravobranioca donosi Općinsko vijeće, a na mjesto državnog službenika Općinski načelnik, najkasnije u roku od tri (3) mjeseca od dana prestanka funkcije pravobranioca.

Ako pravobranilac ne prihvati poslove po rješenju iz prethodnog stava, prestaje mu radni odnos, po isteku 30 dana od dana donošenja rješenja.

### Član 18.

Pravobranilac i zamjenik pravobranioca dužni su čuvati svoj ugled i ugled Pravobranilaštva.

Pravobranilac i zamjenik pravobranioca ne mogu vršiti inokosnu funkciju niti biti članovi izvrsnog tijela političke organizacije.

Pravobranilac i zamjenik pravobranioca ne mogu biti krivično gonjeni ili lišeni slobode zbog iskazanog mišljenja ili odluke donesene u vršenju funkcije.

### Član 19.

Pravobraniocu funkcija prestaje istekom perioda na koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz stava 1. i 2. ovog člana donosi se odluka o razrješenju.

### Član 20.

Pravobranilac i zamjenik pravobranioca će biti smijenjen od vršenja službe ako je:

- osuđen za krivično djelo koje ga čini nedostojnim za vršenje službe;
- izvršio težu povredu službe, odnosno narušio ugled službe;
- utvrđeno da kroz duže vrijeme ne postiže zadovoljavajuće rezultate i neuredno ili nekvalitetno obavlja službu;
- na osnovu mišljenja nadležne zdravstvene ustanove utvrđeno da je trajno izgubio radnu sposobnost.

### Član 21.

U postupku smjenjivanja pravobranioca i zamjenika pravobranioca će se omogućiti da se izjasne o razlozima smjenjivanja.

### Član 22.

Pravobranilac odnosno zamjenik pravobranioca bit će udaljen od vršenja službe ako je protiv njega određen pritvor.

Pravobranilac odnosno zamjenik pravobranioca može biti udaljen od vršenja službe ako je protiv njega pokrenut krivični postupak ili postupak za smjenjivanje od vršenja službe.

Odluku o udaljenju od vršenja službe pravobranioca odnosno zamjenika pravobranioca donosi Općinski načelnik.

### Član 23.

Pravobranilac i zamjenik pravobranioca mogu podnijeti ostavke na vršenje službe.

Ostavka iz prethodnog stava podnosi se Općinskom vijeću, a vršenje službe prestaje danom razrješenja zbog podnesene ostavke, a najkasnije u roku od 30 dana od dana podnošenja ostavke.

### Član 24.

Odredbе Zakona o parničnom postupku i o izuzeću sudija, koje se primjenjuju na području Kantona Sarajevo shodno se primjenjuju i na izuzeće pravobranioca i zamjenika pravobranioca.

Izuzeće pravobranioca i zamjenika pravobranioca ne mogu tražiti stranke.

O izuzeću pravobranioca i zamjenika pravobranioca odlučuje Općinski načelnik.

### Član 25.

U Pravobranilaštvu postoji određen broj državnih službenika i namještenika koji vrste stručne i administrativno - tehničke poslove.

Federalni i kantonalni propisi kojima se uređuje radno-pravni status državnih službenika i namještenika u organima državne

službe shodno se primjenjuje i na državne službenike i namještenike Pravobranilaštva ako Zakonom nije drugačije uređeno.

Član 26.

U Pravobranilaštvu može postojati i određen broj stručnih savjetnika za vršenje stručnih poslova utvrđenih zakonom.

Član 27.

Poslove stručnog savjetnika u Pravobranilaštvu može obavljati lice koje ima završen pravni fakultet, odnosno lice pravne struke sa ostvarenih 240 ECTS studijskih bodova Bolonjskog sistema studiranja, položen pravosudni ispit i najmanje tri (3) godine radnog iskustva na pravnim poslovima nakon položenog pravosudnog ispita.

Stručni savjetnik pomaže pravobraniocu, odnosno zamjeniku pravobranioca u proučavanju i pripremanju predmeta, proučavanju pravnih pitanja u vezi sa radom pravobranilaštva u pojedinim predmetima, te samostalno ili pod nadzorom i uputama pravobranioca, odnosno zamjenika pravobranioca obavlja druge stručne poslove predviđene zakonom.

Član 28.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke sa ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravničkog staža, pripravnici upućuju na praktičan rad u općinske i kantonalne sudove.

Član 29.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Određbe ove Odluke koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa.

Član 30.

Unutrašnju organizaciju Pravobranilaštva utvrđuje pravobranilac, Pravilnikom o unutrašnjoj organizaciji Pravobranilaštva, a po prethodno pribavljenoj saglasnosti Općinskog vijeća.

Član 31.

Sredstva za rad Pravobranilaštva obezbjeđuju se u Budžetu Općine.

Član 32.

Pravobranilaštvo podnosi Općinskom vijeću izvještaj o svom radu i o uočenim pojavama i problemima u primjeni Zakona i drugih propisa od značaja za rad Pravobranilaštva.

Izvještaj iz stava 1. ovog člana, dostavlja se najkasnije do 31. marta tekuće godine.

Član 33.

U pravobranilaštvu se vodi evidencija u skladu sa Pravilnikom o poslovanju i vođenju evidencije u Pravobranilaštvu, koji donosi Ministarstvo pravde i uprave Kantona Sarajevo.

### 3. Radno-pravni status pravobranioaca i zamjenika pravobranioaca.

Član 34.

Koeficijent za utvrđivanje plaće pravobranioaca i zamjenika pravobranioaca utvrđuje Općinsko vijeće.

Plaća pravobranioaca i zamjenika pravobranioaca utvrđuje se množenjem polazne osnove za obračun plaća, koja se primjenjuje za državne službenike i namještenike u općinskim organima uprave, sa koeficijentom iz stava 1. ovog člana i tako utvrđen iznos uvećava se za od 04% - 0,6% za svaku započetu godinu radnog staža, a najviše do 20%.

Član 35.

Za naknade koje nemaju karakter plaće i naknade troškova službenog putovanja primjenjuju se propisi koji važe za državne službenike.

Nalog za službeno putovanje pravobraniocu i zamjeniku pravobranioaca izdaje Općinski načelnik.

Sva ostala prava po osnovu rada i radnog odnosa pravobranilac i zamjenik pravobranioaca ostvaruju u skladu sa Zakonom o državnoj službi u Kantonu Sarajevo i odlukama Općine.

Član 36.

Na prava i obaveze koje se odnose na radno-pravni status pravobranioaca i zamjenika pravobranioaca, koja nisu uređena ovom Odlukom, primjenjuju se odredbe Zakona o pravobranilaštvu Kantona Sarajevo i propisi kojima se uređuju prava i dužnosti državnih službenika u Kantonu Sarajevo kao i Kolektivni ugovor.

Član 37.

Sva pitanja koja nisu posebno regulisana ovom Odlukom riješit će se primjenom Zakona o pravobranilaštvu.

### III - PRELAZNE I ZAVRŠNE ODREDBE

Član 38.

U roku od 30 dana od dana stupanja na snagu ove Odluke donijet će se Pravilnik o unutrašnjoj organizaciji Pravobranilaštva.

Član 39.

Stupanjem na snagu ove Odluke prestaje da važi Odluka o Pravobranilaštvu Općine Stari Grad Sarajevo ("Službene novine Kantona Sarajevo", broj 18/09)

Član 40.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-333/17  
30. maja 2017. godine  
Sarajevo

Predsjedavajući  
Općinskog vijeća  
Stari Grad Sarajevo  
Mr. sc. **Jusuf Pušina**, s. r.

Na osnovu člana 7. stav (2) Zakona o izmjenama i dopunama Zakona o javno-privatnom partnerstvu ("Službene novine Kantona Sarajevo", broj 16/2017) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo, na sjednici održanoj 30. maja 2017. godine, donijelo je

### ODLUKU

#### O ODREĐIVANJU DRUGOSTEPENOG ORGANA U POSTUPKU PRAVNE ZAŠTITE U SMISLU ZAKONA O JAVNO-PRIVATNOM PARTNERSTVU

Član 1.

Ovom Odlukom određuje se organ nadležan za rješavanje u drugom stepenu na odluke o izboru privatnog partnera i izboru konsultanta u smislu člana 7. Zakona o izmjenama i dopunama Zakona o javno-privatnom partnerstvu.